

皇

明

史

概

皇明開國臣傳卷之四

臣朱國禎輯

丹陽縣男孫公

公名炎字伯融句容人面黑如鐵跛一足持辨風生能  
爲歌詩時丁復夏煜以詩名炎游此兩人間相切劘好  
立機括下紙爛然雅能飲與煜對引務出奇得一奕句  
拍案大呼拔劍起舞亦以經濟自負氣豪才雄輕視章  
句儒衆中常自許曰孫炎男子豈死蓬蒿下耶 上羨  
江召見與語請延攬賢士以成大業 上悅辟行省株  
論事慷慨激切多合 上心從征浙東擢同知池州府

尋陞知華陽府已亥擢行省都事是年十二月師克處  
州山澤間盜賊憑結不解甚難治 上以炎爲才授處  
州總制聽其辟任一切不從中覆匹馬入城召父老諭  
以天命所集宜稟教化不且爲侈衆皆感悅仍擇勇徒  
者練爲兵紀律嚴明賊皆退縮時才俊士因亂多伏居  
山谷中不肯出悉爲鉤至劉基章溢葉瑛皆處士所推  
基最有名不肯爲他人用使者再往返不起以一寶劔  
送炎炎作詩以爲劔當獻之天子斬不順命者我人臣  
不可私受封還之草數千言論基文詞甚美基尚不答  
然心已知金陵王氣有驗矣遂巡就見置酒與飲論古

今成敗之事如傾峽滾滾不休畧無枝獲基乃淡敦歎  
之曰基自以爲勝公觀公論議如此基何敢望亦會

上來聘遂送基於京師 上方征伐無一兵與炎止以

口舌安反側郡日置身狼虎間無所疑憚壬寅賊叛害  
耿將軍炎被擒幽空室中守之脅炎炎始給以生賊規  
非本情恐留自遺患燭鴈斗酒燉炎曰以此與公訣炎  
拔劔剖鴈舉卮酒曰嗟乎我乃爲鼠輩所陷爾死大豕  
且不爾食賊持刀視炎飲酒自如賊叱解衣炎罵曰此  
紫綺衣 主上賜者吾當服以死何可解引枕而臥賊  
不忍伺其睡乃害之年四十事聞追封丹陽縣男妻某

爲賊擒亦不屈死公事親孝與人交緩急可  
遇匱乏者解衣推食給之所著詩若干卷其弟子蔣敬編次傳  
於世

南陽郡侯葉公

公名瑗字景淵麗水人元季兵亂從叅政石抹宜孫守  
處州時青田葉賢三等作亂瑗爲書策捕斬之其餘山  
寇竊發者以次剪滅行省承制授元帥守桃花寨王師  
下處州謂其下曰金陵兵有紀律且氣候精明必成大  
事遂來降僉院胡大海以瑗偕劉基送建康辛丑授營  
田司僉事復命同佐鄧愈守洪都祝康之亂愈脫走瑗  
被執不屈大罵死之上聞痛悼遣使往祭追封南陽  
郡侯復其家塑像于院判耿再成之祠令有司歲祀後  
陳友諒滅配享洪都功臣廟

高陽郡侯許公

公名瑗字栗夫江西樂平人聰明強記至正中兩以易經舉於鄉皆第一會試不第放浪吳越間每醉必大言自負人未有知之者戊戌上駐兵婺州瑗以儒士進謁因言於上曰方今元祚垂盡四方鼎沸豪傑才勇之士勢不能獨安夫有雄畧者乃可馭雄材有奇識者然後能用奇士欲掃除僭亂平定天下非擾收英雄難以成功上曰今四方紛擾民困塗炭予用英雄有如何渴也授博士留帷幄參謀議以太平股肱郡命爲知府瑗至厲士卒修城池撫黎庶庚子僞漢陳友諒率衆

師攻太平與守將花雲拒戰城遂陷環被執屬不辟死  
之追贈高陽郡侯



當塗縣男王公

公名愷字用和當塗縣人幼有大志通經史間爲府史人服其平乙未上渡江召至幕府爲掾叅決戎事時新下京口民抗拒不安慰撫之皆安方建中書省進左右司都事遇事彌綸元戎宿將唯其言是信戊戌獠兵數萬自杭來降待命嚴陵境上遣馳至軍諭之偕其渠帥來朝是年冬胡大海已戍蘭谿命與定議取婺降之己亥克三衢擢左司郎中總制衢州軍民事調度有方兵食俱足有警以五丁應付一兵攻凡得萬餘人開平王屯兵金華郡將或侵民偵知之械而捷諸市王

使人來讓對曰民者國之本將軍天子股肱肯令傷其  
本乎捷一部將而民安計將軍所樂聞也王歎美之開  
化馬宜換舊印爲亂江山楊明恃險劫掠悉討擒之部  
內乃安饑疫出粟賑之全活無算勸興學較士皆悅服  
諸暨戍將謝再興與部帥王甲有違言幾致亂力調解  
得安往來李平章文忠軍中議事多用其策六月僞漢  
寇龍江 上召嚴陵帥葛俊檇廣信牽制之謂俊曰廣  
信僞漢門戶彼旣傾圉入寇必以重兵爲守非大將統  
全師往不可乃止俊請胡大海行廣信遂潰辛丑分省  
於婺控浙東胡大海日治軍旅民事悉以委愷時力役

無藝乃令民自實田數糧多者爲里正寡者爲副通驗其糧均賦之有一斗者役一日賤與貴皆無苟免金華周秦義烏柳昌侍俠盡民逮至獄痛懲之自是畏避不敢吐氣猾胥潘立道操金華一邑田賦之柄緣爲奸利廉其罪狀以聞真于法挈網布紀丰采肅然苗軍亂胡被害擁位而出正色責以大義賦帥劉震欲全之其黨吳得真素有隙曰無自貽患乃被殺并其子行及椽吏章城年四十六追封當塗男公善誅能斷常白事未聽却立戶外比暮不去上出惟而問之從容諫如初上卽允行尤長吏事以儒術餘素曠辭簡而意周喜爲

詩歌情意爽豁

上以經濟材庸之將大用未果而歿

子三長爲侍儀使次行同歿于難次升童

縉雲郡伯胡公

公名深字仲淵處州龍泉縣人穎拔有智畧涉獵子史百家及天官術數之書父鈺仕元征東行省左右司員外郎母趙氏一日談兵甚奇父警之曰才雖撥亂智在識主父宦游京師深年十歲往侍父使高麗歸卒奉樞南還廬墓益讀書尤工文辭元末兵亂歎曰浙水東地氣盡白禍將及矣結鄉里自固石抹宐孫辟叅軍事募兵決日間得數千引屯竹口時盜賊所在結聚往諭曰爾皆良民也因驅迫至此棄仗卽良民耳盜以深長者不欺遂降會溫州韓虎陳安國殺主帥據城叛深曰城

中叛者惟一二人耳請往諭之軍民見溪相泣曰吾屬  
自度旦暮鬼耳若得更生敢不惟命遂以城降從征鄱  
陽賊青田潘惟賢聚衆爲叛龍泉長史聞風遁去賊焚  
縣治溪之師曰王毅先生與門弟子集義兵搗退之里  
中惡少年疾其功因害先生公在鄱陽馳歸執肆害者  
盡殲之窮其窠穴悉平移師攻遂昌賊酋出戰公望見  
笑曰賊若堅守不出未易卽滅今茲之來豈非天授我  
乎分部諸較以正陣接戰奇兵夾擊之別遣遊兵構其  
伏匿比戰賊三面被擊大敗生擒八百人天兵取浙東  
後徂既下獨處州爲石林所守不降己亥 皇帝遣胡

大海由間道取處州石抹敗北大軍入城徇屬邑葉琛  
來降遣琛諭以禍福遂出應命 上素聞其名召至京  
擢左司員外郎與論事稱善詔還處州招集舊部曲從  
西征 上既平江西命守吉安會浙東苗軍變殺守將  
已而復平命總制處州軍民事時山寇竊發人情未固  
捕首惡誅之防禦甚周慮戍兵單弱多方召募遂得兵  
萬餘人曰兵足矣諭于衆曰兵少不足禦敵師衆又無  
以餉奈何衆對曰養兵所以衛民苟不爲禦備計子女  
玉帛且不保而况于食遂因衆心量度民恒產權宜加  
賦軍興饒焉請寬鹽稅二十取一商販大集以没入田

代租民甚賴之薦進士吳世昌司學事文教始興諸全  
守將謝再興叛犯東陽李文忠擊走之溪引兵來援議  
以浙東屏障度地去諸暨六十里新築一城相表裏其  
勢益固浙西將李伯昇大舉入寇頓城下堅不可攻敗  
去。上以立城功賜之名馬遂平青田溫州方明善取  
平陽出偏師復之并復瑞安侵地親統正軍攻溫州明  
善勢蹙與其叔國珍議納歲幣乃還師。上卽吳王位  
擢王府叅軍仍總制處州命征陳友定取浦城崇安建  
陽敗守將阮德柔兵四萬有定懇帥銳卒來鬪圍我營  
公以氛惡未卽戰爲朱亮祖所迫不得已進擊之破其



二柵敵悉銳圍深數重日暮深率精騎突出伏起馬蹶  
見執有定不敢害會元使至督促乃見殺年五十二追  
封縉雲郡伯公智識絕倫藝術無不精曉個儻好施予  
其守鄉郡凡五載馭衆一以寬厚用兵十餘年未嘗妄  
戮一人宋濂侍 上白虎殿忽顧問曰胡深何如人對  
曰文武才也 上曰誠如卿言浙東一障朕方賴之比  
伐閩有星變 上曰東南必失一大將亟使諭之公已  
被害 上甚痛惜之聞者莫不流涕子楨刻木具衣冠  
葬之友定既誅 上使楨燔其肉以祭

東丘郡侯花公

妻郇氏

公名雲懷遠人少孤隨母嫁張氏貌偉而黑虍勇絕人  
癸巳杖劍謁上於臨濠上奇其材力俾將兵畧地  
所至輒克破懷遠城口虜其帥以歸進攻全椒拔之夜  
襲破繆家寨上以濠城殘敵將取滁州自單騎前行  
雲獨從後遇賊數千於道顧後隊尚遠舉鉞翼上拔  
劍躍馬衝陣而進賊驚曰此黑將軍勇甚不可與爭鋒  
兵既至遂克滁州甲午從上取和州得卒三百以功  
授勾管明年乙未率所部從渡江上克太平以忠勇  
宿衛左右下集慶陞總管徇鎮江丹陽丹徒金壇諸縣

皆克之過馬賊沙劇盜數百遮道索戰雲且行且鬪三  
日夜皆擒殺之授前部先鋒文常州拔其城守牛塘營  
夏六月立行樞密院於太平拜院判丁酉春正月克常  
熱州獲卒萬餘七月兵過寧國陷山澤中八日羣盜相  
結梗道操矛鼓譟出入斬首千百計身不中一矢還守  
太平庚子閏五月陳友諒以舟師圍之率麾下三千餘  
人結陣迎戰三日賊不得入乃以巨舟乘漲泊城下令  
士卒緣舟尾攀堞上城中乏食士馬憊乙亥城陷賊縛  
公急怒奮身大呼縛盡解起奪守者刀殺五六人罵曰  
虜非吾主敵也曷不趨降賊怒碎其首縛於舟檣衆射

之忿激至死不少變年三十九追封東丘郡侯妻郃氏  
方戰急時一子僅三歲郃祭家廟會家人泣曰今城且  
破吾夫忠義人必以身死之吾夫死吾必不獨生然不  
可使花氏無後嬰兒在若等善撫育之關公被執郃赴  
水死年三十五侍兒孫燕屍抱兒以行偽漢軍虜之至  
九江軍中惡養小兒遇投水中佯諾乘間授漁家脫簪  
資令善視之尋王師破友諒孫往漁家視兒故在矚漁  
人出負以走夜宿陶穴中天曙斂舟渡江遇偵軍奪舟  
棄江中孫抱兒遇斷木浮至附入葦洲採蓮實哺兒七  
日不死夜半聞人語聲呼之逢老父號雷老告之故與

俱行明年二月達 上所孫泣抱兒拜 上上亦泣寘  
兒於膝曰此將種也賜雷老衣遣之復其徭忽不見兒  
八歲賜名煒侍 皇太子就學年十三授虎賁右衛副  
千戶後七年拜指揮僉事偕孫氏至太平奉部骸骨東  
草像雲葬上元縣 世宗初立其五世孫遼東復州衛  
指揮僉事請於 朝部氏贈貞烈夫人孫氏安人立祠  
致祭

永義侯桑公

公名世傑無爲州人甲午與廖俞蔡諸公結水寨巢湖  
乙未納款從 上入和陽諸軍大集卽攻破鱗魚州鐵  
長官水砦取采石太平擒陳也先蠻子海牙遁擒兆先  
入金陵拔鎮江陞秦淮翼元帥下金壇丹陽從圍常州  
攻寧國常州平陞判行樞密院事取馬賦沙克大浦口  
江陰下太湖收安興尋與諸將攻江陰石碑海寇樂瑞  
奮戈躍馬陷陣死諸將大怒奮擊盡獲海舟瑤窮促來  
降贈永義侯侑享 太廟 上起兵屢經危殆諸將戰  
死甚多最初爲宋國興定遠人父朝用從渡江授天寧

翼元帥國興生而壯偉每出先登授總管 上與陳瑊  
先戰南臺兵却國興年十八請出鬪 上壯之衣以白  
龍袍與常遇春馳入陣敵見袍誤以爲 上攢槊刺之  
被執見殺遇春翼 上潰圍出是日也國興妻曹氏亦  
赴井死洪武六年詔定功臣謚號禮部言光武封寇恂  
爲承義侯景丹奉義侯世傑侯名永義不必重謚 上  
從之而國興未之及後其弟晟立功永樂中封西寧侯  
世傑子敬以父故陞督府僉事比戰有功洪武二十三  
年以擒除克逆封徽先伯祿一千七百石世嗣誥詞引  
其父死難之功賜鈔還鄉治第宅二十四年練兵邊塞

召還明年又出南陽信陽練兵繕浚城隍經略屯田  
年閱民籍軍屯軍平陽已而屢出山陝北平



越國胡武莊公

公名大海字通甫虹人長身鐵面智力過人甲午謁

上爲前鋒從入和州克采石攻金陵常州先登授右翼  
統軍元帥宿衛佐鄧將軍自潁溪進攻浙東諸郡擊敗  
元將八思爾不花追其萬戶訥於遂安元苗帥楊完者  
以兵十萬來救大海前諸軍斬其部將遂克嚴州與李  
文忠擊敗完者攻徽州擒其將進克諸全火九華山鮑  
萬戶寨遷行樞密院判官因說鄧將軍曰蘭谿爲婺州  
右臂於嚴爲近公引兵下之婺入我掌中矣從之遂下  
蘭谿進攻婺婺不下上乃自往大海引其客王宗顯

來見 上曰客何自來曰烏江人 上喜客吾鄉人使

偵發還報曰慈將貳可下也曰有之汝為守元將果開

東開納師 上以宗顯知府事陞大海僉書行樞密院

以工體為都事民賦軍器成屬焉時 上方伐陳友諒

遣擣廣信破之信方絕糧人勸還師公曰此閩楚矜衿

地不可棄為堅守計以養子德濟協諸將鎮之李道明

水攻自往內外夾擊大破擒以獻呂珍圍諸全堰水力

攻公馳救奪堰反灌之珍大窘於馬上折矢求解兵許

之叅佐曰賊狡未可信機不可失棄之可立盡公曰言

出而背之不信既縱而襲之不武遂引還珍亦遁去

上以婺浙東大郡通既引越以公爲江南行省叅政守  
婺州己亥克處州初苗軍元帥蔣英劉震李福等歸附  
隸麾下喜其驍勇待之不疑至是震等謀亂以公遇已  
厚未忍發李福謂其衆曰胡叅政待我輩信厚然兵柄  
在主將不殺則事不成舉大事寧暇顧私恩乎衆從之  
以書通衢處苗師李佑之等約二月七日同舉兵是日  
英等人署陽請公至八詠樓下觀夸公上馬英令其黨  
鍾矮子跪馬前陽訴曰蔣英等欲殺我公未及答反顧  
英英袖出鐵槌若擊矮子狀因中公屬仆地英卽斷其  
首并子關住殺之脅僉書安慶院判張斌使從己公兩

自有光每夜出燁燁如炬既沒敵人數擾我邊屢顯祥  
異或見夢於人或觀靈火滿野洵聞人馬聲泊出師  
輒大捷李將軍下杭縛英至京 上命懸公像市曹刺  
英血祭公贈越國公謚武莊洪武元年築壇鷄籠山祭  
故功臣公位第一而祔以文臣沒王事者李夢庚王愷  
孫炎等二年立功臣廟於雞籠山定祀二十一人命死  
者塑其像生者虛其位時公及廖永安趙德勝耿再成  
丁德興俞通海張德勝茅成八人已卒樓神卞壺蔣子  
文廟六王與華高吳良吳禎曹良臣康茂才吳復孫興  
祖尚存公嘗曰吾不知書吾行兵惟有三事不殺人

虜人婦女不焚人廬舍以故所至徒見驩附編氓寧輯  
有祭征虜之風德濟積戰功間難奔計進同僉樞密院  
明年癸卯諸全守將謝再興叛降張士誠左丞李文忠  
遣德濟屯兵五指山下備之因晉浙東行省叅政統重  
兵守諸全新城丙午移守杭洪武三年從大將軍北征  
居博東偏爲虜所襲不能禦械至京宥復官後爲都指  
揮使鎮陝西卒

泗園耿武莊公

公名再成字得甫泗州五河人癸巳來歸從征授百戶  
立戶泗滌和陽建康鎮江陞元帥守鎮江克揚州改守  
揚州宜興數被吳寇又改守宜興尋還守揚州 上取  
余華爲前鋒屯縉雲之黃龍山取處州卽以爲守石抹  
宜孫率衆驟至擊敗之宜孫走死嚴戢部下招撫流亡  
有竊發者擒治赦其餘黨先是士卒無論大小徵私粟  
民間號紫糧民甚苦莫敢言公曰民盡饑死軍亦何爲  
自於胡叅政罷免民乃得安壬寅苗帥李佑之賀仁德  
叛方與客飲變作上馬收戰卒不滿二十人迎賊罵曰

俘虜奴閩何召汝乃反急解甲降不降吾斫汝萬段揮  
劍連斷數梁兵不繼賊攢刺墮馬死胡瑛等收其屍葬  
葬之贈高陽郡公洪武二年侑享 太廟三年加贈泗  
國公諡武壯于天壁方起發苗軍入京聽用行次石港  
聞變馳還救舊部曲討賊而李將軍文忠已破賊斬之  
即襲父職李將軍討諸暨叛賊以兵策應方園珍據溫  
州乍降乍叛張士誠窺東陽皆討敗之 上于處州設  
制勝箭用爲指揮副使克浦城進攻寧擊敗陳友定  
隨李將軍下杭州陞指揮同知世襲縛張士誠走方園  
珍擒陳友定皆與有功征兩廣攻取三山生擒賊首陳

祖保等諸郡以次平定調回從征襄陽等處遂至西安  
策應招諭河州臨洮皆下改杭州指揮同知七年出海  
捕倭屢逐至外洋沉其舟卒



魏國俞忠烈公

父廷玉弟通源通淵

公名道海字碧泉巢縣人父廷玉元末有彭祖及金花  
小姐者妖術惑衆江淮人多應之通海父子從其部屬  
李普勝爲軍妖徒旣戰敗泊舟巢湖結水寨自固屢爲  
妖黨左君弼所困乙未聞上開閩和陽納欵乞發兵  
爲援上大悅謂李善長曰吾士馬糧盡欲渡江乏舟  
楫通海父子以舟師全附良應我機五月親率兵至巢  
湖諸將迎上登舟謀出東口時桐城開馬塲河等隘  
口皆爲元將壘子所扼惟一小港可通然淺涸不  
容巨舟已而大川谷流溢素非行舟處皆水泥

丈餘 上喜曰天助我也乘漲發至黃墩雙刀趙普勝

陰蓄異志華高

高舍山人兵亂即所居黃墩結水寨與俞彥諱將收軍共人舉湖自固納款

上親視之高等彪出東日將人江爲營于海牙所阻時  
雙刀趙有異志高露其機上上歸益兵復至戰却海牙  
遂殺舟抵和陽渡江同諸將下太平等處投總管遂定  
金陵世泰淮翼元帥謀取廣德守兵出戰奮擊敗之遂  
破其城從圍常州敗青軍廣德復叛平之即留守禦  
戍戎同討江陰石牌海寇已亥副俞通海破趙普勝水  
營自發破友誼援長與克南昌夾戰都陽湖皆有功武  
昌既平望湖廣行省左丞乙巳規取淮南悉平之從討  
張士誠分門而軍凱選陞行省平章鎮湖廣三年封廣  
德侯祿六百石世券先是高奉使廣東巡視城池券留  
內府明年卒厓州 上命中書省補支祿三百石無  
了納券墓中陪塚罔公諡武莊從子岳授指揮金事密

以爲言 上謀脫身歸擊言和陽取舟載兵同攻海牙

貴欲以兵勢挾之遂得歸乃集商人舟多載猛士復至

黃墩督其兵攻海牙敵船高大通海與永安德勝操舟  
進神勇無敵直趨和陽敵皆潰走繼攻鱗魚州等寨大  
捷授萬戶遂定渡江之計六月從上率舟師徑渡明  
日克采石取太平有功遂攻取邊湖水陽八月攻行廊  
山涇縣克小花圩寨溧陽九月克銀渚東壩及固城民  
湖寨復取三汊口敗海牙悉驅戰艦結寨采石元帥也  
先從子兆先合淮兵屯營方山相犄角窺伺太平丙寅  
正月通海攻采石寨二月復從上力攻海牙大破之  
之三月從平陳兆先營是月克臺城歷沙港焦門克阿  
魯灰者林苗軍水寨十七日拔鎮江追康元帥降之進

統軍元帥四月取丹陽金壇丁酉三月常州平陞行樞  
密院判官尋克江陰州宜興四月克宜城寧國復與樞  
判趙馘等乘勢趨水陽下之五月畧太湖克大浦口降  
張士誠守帥王貴鈕津等經東洞延山遇其右丞呂珍  
大軍已西獨帥餘舟與戰矢中右目痛劇下舟令從者  
披已衣立船上賊不敢逼戊戌正月討江陰奪馬馱沙  
四月攻雙刀趙復取通州十月克宜興等處時雙刀趙  
據縱陽已亥四月擊敗之復池州陞僉書樞密院事庚  
子陳友諒犯龍江同諸將擊走之縱火焚其舟賊衆潰  
樞密院同知八月從討友諒遂克銅陵揚九江蕪州

黃州等郡壬寅四月取南昌癸卯三月張士誠圍劉福  
通於安豐通海擊敗其衆回攻廬州七月丙戌上大  
發兵帥通海等援南昌友諒解圍來戰丁亥遇康郎山  
戊子大戰先諸將乘風縱火焚其舟漢驍將張定邊直  
前戰率飛舸射中定邊相持數日舟小漢巨艦來壓軍  
皆首抵艦以脫鐵盛盡裂又乘風棹七舟載葦置火藥  
入敵水寨焚其戰艦數百僞王友仁友貴皆戰死賊稍  
退時舟湊入塵戰我師遙望久之不復見意已沒少頃  
舟飄飄遠出敵舟傍我師見之大喜躍呼奮前大敗敵  
兵敵遂拔水寨謀遁去我軍先柵壘子口及橫截左

遇其歸路戰愈急進曰湖有浮沙舟輒膠不利戰盍移  
兵入江據上游敵舟入我直擄易耳從之敵見我水陸  
結寨不敢出糧盡益窘繞下流突出與諸將追擊敗之  
友諒死甲辰二月攻武昌陳理出降三月陞中書省平  
章事四月廬州平守之拊膺勞來復業者衆城西北石  
難淺涸浚廣加倍丙午四月從取濠州九月征浙西克  
湖州十一月太倉崑山崇明嘉定松江皆降僞帥陳仁  
壽乘大艘百餘已避入海聞兵行秋毫不犯復回鄉里  
來降願列編民者數千人吳元年三月圍姑蘇徐相國  
檄令共討賊敗賊滅渡橋提兵蕩其營至桃花塢中流

矢初甚以四月九日歸自軍中。上幸第視之病革。曰平章知予來問疾乎。已不能語。遂揮涕而出。明日薨。年三十八。駕復臨哭之。慟塋聚寶山。追封豫國公。洪武二年配享太廟。六月祭于功臣廟。三年改封號國公。諡忠烈。公沉機簡重。勞不矜能。嚴而有惠。卒無子。廷玉從渡江。與諸子戰。功畧同。陞元帥。取丹陽。丁酉克柵。江營獲老牛兒等。陞僉樞密事。總戰船。没于陣。贈河間郡公。次子通源。通淵。

### 通源

通源字百川。通海卒。卽軍中領其兵。攻蘇州。擒士誠嗣。

通海官從大將軍征中原下山東河南北山西諸郡從副將馮宗異等會兵太原取陝西克慶陽尋張良臣復以慶陽叛率師自臨洮疾趨至涇州合兵圍而斬之西征王保保出連雲棧克興元皆先登洪武三年封南安侯食祿千二百石與世券從廖永忠伐蜀又從魏國公出塞征甘肅有功八年徙江南豪四十萬田鳳陽命撫輯開水利墾田攻雲南征廣南諸蠻俘斬數萬二十二年詔還鄉未行卒卒後逾年坐黨事以死不究仍賜葬聚寶山魏國公墓傍

通淵



通淵以父兄故充叅侍舍人從大將軍征秦隴燕趙功  
陞督府僉事征哈刺答至捕魚兒海獲酋長人畜班師  
轉餉二萬石江西又征都勻龍場諸蠻峒克辰沅寶  
慶俘獲多上又念通淵父兄功封越嵩侯食祿二千  
五百石率師討建昌叛賊築城越嵩二十六年坐累罷  
侯還鄉建文元年召爲豹韜衛指揮使復侯戰歿白溝  
河子翊先卒次靖嗣官明年卒次端又明年優給錦衣  
未幾卒無後通源子祖病痿不能嗣孫宗魯孫信信宜  
德十年乞嗣信子瓌瓏子仲弘治五年皆乞嗣不許

邯國廖武閔公 弟德慶侯

公名永安字彥敬巢縣人先黃州人父旺生五子永清  
永寧永堅永安永忠旺護 上渡江還鄉不仕永清以  
子昇贈明威將軍指揮僉事永寧早卒元亂妖寇彭祖  
兵起永安與永堅爲其萬戶既敗永堅往仕友諒爲叅  
政永安則與其弟永忠縣人雙刀趙俞廷玉王子通海  
趙伯仲伯仲第庸合肥人張德勝葉昇無爲人桑世傑  
舍人華高以戰船千餘結水軍屯巢湖扞盜廬人左君  
彌者亦故盜魁以書招永安永安等不從君彌率兵來  
攻屢爲所困乃使韓成持書見 高皇和陽盡以舟歸

焉從攻蠻子海牙于峪豁大破之是時永安矢傷鼻入江再與通海德勝攻海牙青沙坊獲鬪船十五從還和陽與通海德勝破鱗魚洲鐵長官新生沙二寨獲人馬還從渡江永堅亦來歸取采石太平襲安慶往來用兵滅陳兆先皆與通海同事功亦相叅戊戌正月取宜興擒朱元帥陞同知樞密院六月士誠兵寇常熱永安大敗之又敗之通州狼山十月再拔宜興追擊至太湖乘勝深入後軍不繼水淺舟膠遂爲所獲士誠欲降之不屈俄士誠第士德見擒遣人求和請歸永安以易上以士德知勇斷張氏右臂不許甲辰上念永安遙投

平章封楚國公賜號及誥而贈莊爲涼國公丙午卒于姑蘇年四十七洪武元年祭雞籠山功臣廟配享太廟六年下禮部定謚號禮部臣議曰有元失馭四海靡沸英雄之士或率義旅或障一方泯泯紛紛莫知所屬真主奮興不期自至龍行而雲虎嘯而風若楚國廖永忠等七人者皆熊羆之士膂力之臣或陷敵破陣或遭變捐軀義與忠俱身先業隕 陛下混一天下追功隆封爵祿及子孫享祀配廟庭秩報已崇易名非誇臣謹以赴敵逢難謚永安曰武閔殺身克戎謚通海曰忠烈奉上致果謚德勝曰忠毅折衝禦侮威而不猛謚大海

曰武壯剛士斥境武而不遂謚再成曰武壯折衝禦侮  
壯而有力謚趙德勝曰武桓桑世傑業封永義侯與漢  
光武封寇恂景丹同卽用爲謚 上可其奏八年皆加  
贈開國輔運推誠宣力武臣光祿大夫柱國同知大都  
督府事十三年改封永安郡國公亡子以永清子昇嗣  
爲指揮僉事

弟德慶侯

德慶侯永忠知勇豪邁來歸 上見其年少曰汝亦欲  
圖富貴耶永安旣爲吳所執 上以永忠爲樞密僉院  
預其兵友諒入寇龍江與張德勝乘勝追及采石奮擊

敗之復太平徙同知樞密院事從征安慶與俞通海輩  
擊漢水寨破之長驅至江州仰攻不可上永忠度其城  
勢架橋舟後反舟而行名曰天橋至其城下與女墻齊  
接而登克之復與趙德勝攻下瑤臨吉安諸郡從戰鄱  
陽拚身出 上舟於圍友諒中矢死從征其子理出降  
徙湖廣行中書省左丞特鑄金字八賜曰功超羣將智  
邁雄帥使懸千門規取淮東克海安進攻秦州士誠以  
兵薄海安綴我師駐范蔡港未進 上誡徐相圍圍秦  
州勿動而令永忠還兵水寨禦之諭此寇裴徇江上自  
老之師我克秦州則江都自潰士誠果遁淮楊悉平從

克姑蘇錄功陞平章副湯和會討方國珍降之十二月  
自明州徑取福州洪武元年 上卽位兼太子詹事畧  
定閩中諸郡至延平招陳友定未下攻其西門城守嚴  
不敢出戰內自疑殺其將蕭院判士卒多淪城遁并力  
進攻友定勢蹙省堂仰藥復甦諸將開門降閩地悉平  
明年二月由海道取廣東朱亮祖爲副諭以宣布威德  
勿殺掠時何真守潮州先以書諭之真卽款附上印章  
圖籍四月師至東筦真率官屬出見戊申至廣州盧左  
丞迎降以胡通守之攻破偽叅政邵宗禹數其殘暴斬  
之廣人大悅悉捕誅叛酋土豪馳諭九真日南朱厓儋

耳三十餘城皆納印請吏進取廣西六月至梧州降元  
達魯花赤拜住其尚書普顏帖木兒張翔募兵迎戰無  
有應者走鬱林亮祖勸兵追之帖木兒戰死翔赴水死  
七月至梧州命楊璟收未下州郡兩廣悉平明年還京  
命 皇太子迎勞龍江仍送歸第七月再往撫泉漳十  
一月封德慶侯初諭功當封國公以鄱陽之戰使所善  
儒士窺意徵封爵故稍次之食祿千五百石贈三代十  
二月副湯和舟師由瞿塘伐蜀平之功次傅穎公凱還  
賜第京師又出征胡捕倭八年三月卒 上厚賻之子  
權娶湯將軍女爲散騎舍人九年從馮勝練兵西安十



一年從御史大夫丁玉征松疊十三年嗣侯十四年從  
傅將軍征雲南十五年領兵守畢節移守瀘州十六年  
召還十七年卒權之子鏞以嫡子任散騎舍人歷官都  
督建文中議兵事充宿衛 文皇入京以鏞與弟銘嘗  
文學力孝孺使往召之孝孺怒曰汝讀幾年書還不識  
個是字兩子復命 上怒收孝孺族之兩子拾遺骸葬  
聚寶門外山上甫畢廖氏見收兩子逝去永樂元年四  
月錦衣衛奏獲鏞送刑部論死弟銘銖叔昂謫戍邊昇  
蘇州衛指揮同知母及女送浣衣局從兄基指揮同知  
自首獄死永宏雖以功受封每每失 上意故卒而賤

謚皆不及後江夏侯周德興有罪當下獄 上特赦之

詔諸將相大臣諭之曰曩者豪傑並起豈無智謀壯勇  
之人然粗悍無禮自取敗亡朕當此時傍身自守推誠  
任人故能成此大功天下已定朕與卿等共享富貴當  
各盡其道而往有犯法者何也昔廖永忠數犯罪屢宥  
不悛又復僭侈失人臣禮甚矣夫智人君子既自守法  
又能訓子爲善不至犯法是以爵祿傳之無窮禹者反  
是夫法度者朝廷所以治天下也爲功臣者不能守法  
自保使朝廷屈法保汝乃不得已苟至再三朝廷亦難  
處矣朕以祭祀之時一心齋肅思欲格神及遣汝輩奉

祭則多私利慢神甚非禮也且國家除宮室外未嘗作  
一臺榭以爲遊觀燕樂之所而汝等乃私取材木廣爲  
室宇此豈守法教子孫之道乎念汝等相從俱常有功  
列有爵位故丁寧告汝等毋忽朕言善自保持

蔡國張忠毅公

附袁義汪典祖

公名德勝字仁甫合肥人才畧豪邁沉毅剛果自巢湖

以舟師來歸其弟義

義初名四爲雙刀趙德管守安慶

前親視兵元帥賜今名姓爲袁義半丑從征友諱命爲

慶江州壬寅下南昌授管軍千戶癸卯攻蘄州藏友諱

于彭釜甲辰七月克蘆州十月廖平章征桐廬義烏部

將倂僞吳兵丙午三月授鎮江從上于巫子門擊吳

將敗走之八月討浙西德清湖州丁未攻蘇州從取通

州匪僉典武衛指揮事隨征中原山陝皆有功洪武二

年克鳳翔鞏昌安定會州敗小豫王于石州遠大孫王

與諸將合慶陽張良臣以兵薄義營堅壁徐乘其因攻

破之三年劉王保保管取興元陞本衛同知四年調羽

林衛總領官軍防送都指揮馬雲葉旺濩每鎮遼五年

統兵下海捕倭十四年從征雲南克普定由子嗣大

調楚雄等處有功十五年領楚雄府虜累叛義憤不置

調兵力戰虜遂遁去陞楚雄衛指揮使二十三年入朝

上烈勞之且惜其老命太醫院為治其鬚髮俾回舊流以遠人特賜銀印掌事寵重之三十二年臨右軍都督會事卒官子聚襲為雙刀趙所留不得從上率兵

拔和陽營于新河授萬戶渡江取采石太平擒陳也先擢管軍總管蠻子海牙陳兆先復屯方山伺太平擊破之從取集慶大破方山營擒兆先克鎮江陞泰淮翼元帥從下常州宣州卽陞僉樞密院事從下宜興普勝陷池州進擊敗之柵江口復池州友諒犯龍江伏兵戰大捷追至采石大戰歿于陣年三十三贈蔡國公諡忠毅侑享太廟于宣幼養子同嗣職宣長上命宣嗣為中軍都督僉事坐累降神策衛指揮同知宣子暉孫昂

旻曾孫勇玄孫淮源世襲廬州衛指揮同知同復姓名  
爲汪興祖合肥又有周顯陳文皆驍勇顯從常李二將  
軍有功戰歿阿魯渾河贈汝南郡伯文蚤喪父奉母最  
孝從救吳越中原累戰功歷陞督府僉事洪武十七年  
卒贈東海侯諡孝勇武臣諡孝惟此

汪興祖

興祖巢人初爲張德勝養子德勝戰歿子宜幼興祖嗣  
職從張姓征友諒與俞通海趙德勝搗水塞抵江州克  
其城進拔蘄州從取南昌又從救安豐敗張士誠之兵  
還攻廬州鄱陽之戰興祖等六舟深入搏戰又邀擊涇

江口友諒敗死擢湖廣行省叅政從平武昌還攻廬州  
克之陞督府副使克淮東下湖州平吳陞同知督府從  
大將軍北征取山東州縣銜聖公孔希學闢大軍至率  
曲阜尹希舉鄒縣主簿孟思諒謁軍門興祖禮之堯東  
州縣皆降洪武元年立皇太子兼領右率府事從攻  
樂安克汴梁還濟寧取元都徇永平下山西收大同卽  
命守禦敵兵再至皆敗去時宣已長嗣父職興祖乃復  
汪姓克武朔爲晉王府武傅兼山西行督府僉事洪武  
三年封東勝侯人有言其過者上弗問亦弗與詰券  
令自效圖實封從傅將軍克階文蜀平章丁世真據險

距我興祖躍馬直前中飛石死傅將軍大怒疾進兵大  
被之以沒王事授原封侯爵世券食祿千五百石子幼  
以所賜田五頃令與宣同居後疾卒



梁國趙武桓公附在因勝

公名德勝 上所賜名也濠之鍾離人狀魁偉有膂力  
馬上運漿如飛壬辰兵亂爲義兵隊長時年二十八歲  
善戰爲賊所畏顧雜處羣中無所自見西謁歸德王怍  
哥察其馭軍無律必敗將擇所歸時 上駐軍滁陽聞  
母李氏在軍中七月棄其妻來從命爲帳前先鋒從取  
錢佛岡攻三汊河口破張家寨克全椒後河諸寨元將  
脫脫圍六合禦之中流矢幾殆 上親臨視乙未刻雞  
籠山羣盜與僞將韓溥酣戰直搗烏江下和州含山三  
月夜襲陳也先營戊申也先來侵力闢却之四月拔板

門寨五月擊長官寨遂取儀真錄功授總管府先鋒六月復從援采石下太平及諸縣皆有功丙申元將蠻子海牙闕大兵南渡擁兵建柵采石磯斷淮西路陳也先營於方山相犄角皆從上力戰破之庚午下金陵功最丁酉副魏公取鎮江破貓獮軍水寨夏四月下丹陽金壇五月平宣城轉承信較尉領軍先鋒六月取廣德七月破張士誠水寨九月魏公困牛塘拔出之大敗其衆擒吳將張將軍丁酉取毗陵縛張士德戊戌攻湖州已而宜興叛七月還兵取之己亥擢中奕左副元帥庚子五月陳友諒以重兵襲太平直犯龍江守虎口城力

戰伏兵皆起支諒兵大敗走遂復太平辛丑陞後奕統  
真元帥八月從上伐偽漢乘風直濟小孤山抵九江  
友諒宵遁遂克九江分兵攻黃梅廣濟冬十月克瑞昌  
臨江吉安諸州壬寅從上至南昌三月取新淦州已  
而祝宗康泰據南昌叛從魏公復其城投僉江南等處  
行樞密院事上以南昌西江重鎮授皇侄大都督文  
正節鉞鎮之公統精兵爲戰將四月壬戌友諒重兵圍  
南昌癸亥率步卒闢城門迎戰僞將金指揮操戈直前  
射之應弦而仆敵氣大沮明日復合環城數匝友諒親  
督促勢在必取晝夜急攻城且壞先諸將死戰且戰且

梁城壞復完六月辛亥巡城至東門敵發礮張中其腰  
啓箭深入約六寸卽拔出之撫髀歎曰吾自壯歲從軍  
傷於矢石屢矣其重無踰此者豈命也夫然大丈夫死  
不憾所恨者不能從 主上掃清中原垂令名於竹帛  
爾辛年三十九追封梁國公謚武桓子叔代領其衆後  
配享 仁祖廟庭位第八公沉鷲簡靜剛明質直馭下  
嚴肅號令一行旗幟改色平生未嘗讀書隨機應變智  
畧如神臨難不懼奮不顧身性篤孝友有士君子之行  
徽歷都指揮同知世襲清浪衛指揮武桓兄弟六人父  
曰仁兄均祥第鑑端裕兄先卒鑑官指揮僉事端沉鷲

剛果屢從征伐積功歷興化衛指揮僉事居六年致仕  
子麟代逾年復拜廣東都指揮同知祿興化衛正千戶  
麟以壽終葬之日生子本字宗立襲邳州衛指揮使整  
造海舟創新聞運神木營宮殿以才稱四尾出塞皆有  
功獲褒賞領班兵入衛從征漢庶人陞都指揮僉事尋  
回治司事甲子山東旱饑戶曹奏准停支屯田卒月禮  
本曰支尚不給不給轉溝壑必矣仍發廩放如額僚吏  
執不可本曰有罪在我因以闕于朝卒如所請賴全活  
者甚衆未幾卒官年五十四本器量淵洪風采凝峻生  
平以忠孝自厲蒞官行政寬猛得宜善謀而有勇好讀

書于義利之分古人成敗之迹辨晰甚明子輔嗣官

友諒之圖南昌也凡八十五日與武桓先後死者右副  
指揮劉齊右翼元帥同知朱潛統軍元帥許圭率兵取  
吉安漢兵畧城三人力戰死左翼元帥副使牛海龍萬  
戶程國勝出圍突戰中矢死樞密院判李繼先出戰被  
掠去死左副元帥趙國旺引兵燒賊艦追至板橋死洪  
都知府葉瑛江西行省都事葉思成康祝之變瑛惡成  
迎戰市中死臨江府同知趙天麟守臨江城城破死管  
軍百戶徐明當圍城日漢設陷竄數臨城誘戰明乘醉  
躍馬出城射賊賊走明追賊墮窰中賊鈎去誘降不從

死明有膽畧善修飾軍中號爲胎裏謊嘗出劫友諒營  
獲其良馬以歸故敵兵見明併力來攻遂執而殺之張  
子明者張元帥之子代父爲間使走金陵求援還至湖  
城被執友諒強官之萬戶令徇城給降子明佯許至城  
下大呼我張大言已見 主上令諸公堅守救兵且至  
我必死幸得見諸公賊怒卽攢槊刺死張德山夏茂成  
皆軍士性勇敢善戰德山以夜半潛出城焚賊舟死茂  
成守城樓當賊衝中飛砲死友諒滅燭齊彭城郡侯海  
龍隴西郡伯國勝安定侯繼先隴西郡侯圭高陽郡侯  
國旺天水郡侯瑛南陽郡侯自有傳天麟天水郡侯明

合肥縣男茂成總管德山千戶子明初贈武毅將軍飛  
騎尉千戶後加贈忠節侯潛思成贈未詳皆廟祀南昌  
凡十四人國史所載與胡佛之記皆曰十四人並無程  
區勝故後人遂以國勝入康郎山祠中爲三  
十六人然洪都建祠在甲辰四月所載者如此而先一  
年四月國勝戰死又明註聖亭洪都祠中則國史亦自  
相矛盾矣今吾學編收人洪都故因之而其死而未入  
祀者吉安知府朱華萬戶霍輝

程公

程公名國勝初名元佐 上爲賜名休寧人英偉美鬚  
髯元末團結鄉兵禦寇丁酉大兵下徽州歸附署總管  
府先鋒徇下方山諸寨楊完者重兵薄徽州以百人衝



之皆倖易胡大海兵適至因覆其營戊戌從攻婺源嚴  
州平之士誠合楊完者兵攻嚴州敗其舟師于東門庚  
子降饒州友諒兵至數拒却之取浮梁平樂從衛公襲  
撫州降鄧克明南昌之役守寺步門與牛海龍夜劫營

皆中流矢死

朱學士升墓誌曰公泗水得脫見上于

康郎山張定邊奮前直犯

御舟舟邊擊公仗紐叱

之急與帳前左副指揮使韓成水軍元帥陳兆先駕朝

來援舟進水源

御舟遂脫而公等反遠敵艦之後援

力戰死時年三十有一喜讀書慕節義居家孝友凡遇  
籌決勝之方不學而能每戰踴躍率先赴敵矢石交下

意氣自如膽安定侯謚忠愍

濟陽侯丁公

附張志雄

高陽郡侯韓公

于胤

公名普郎初爲陳友諒將守小孤山辛丑八月王師西  
征至其地普郎迎降用爲將從征積功授行樞密院同  
知七月己丑與友諒大戰鄱陽死身被十餘創首脫猶  
執兵若戰狀植立舟中不仆贈濟陽侯時死者甚衆祀  
於康郎山者三十五將軍而普郎爲首次張志雄志雄  
人故趙普勝部將善戰號長張嘗怨友諒殺普勝  
故龍灣之戰無鬪志且兵陷伏中率其黨皆來降友諒  
旣大敗走言於上曰彼旣東下盡併安慶兵以行無  
備可搆而取也從之遂取安慶鄱陽之戰志雄所乘舟

檣折為敵所覺以數舟積兵鈎刺之志雄窘迫自刎贈  
清河侯

韓公

韓公名成虹縣人有勇畧壬辰從 上舉義率先戎陣  
克泗州破諸山寨甲午克滁州授鎮撫守禦乙未渡江  
拔采石太平攻蕪湖丙申克金陵鎮江等處陞元帥守  
全境從攻常州敗援兵解牛塘圍遂取揚州從下婺州  
復池陽戰龍江擣江州下南昌皆有功陞帳前總制親  
兵左副指揮使侍帷幄從援安豐攻廬州陽湖戊子操  
小舸翼 上舟反統於後兵不相及遂死之

各本日  
上舟被圍

一將羣將計無所出 上方設奇成速日臣聞古之人  
有殺身以成仁者臣不敢辭遂賜成龍袍殿冕即上  
服同對朕舉投水中賊捐止諸將亦來接得脫贈高陽郡侯子觀

### 子觀

觀字彥賓以舍人帶刀侍衛忠謹為 上所知父沒命  
為桂林指揮僉事世襲陞都指揮使觀生長兵間諳練  
武事為人勁悍忍刻鎮廣西有生員來迎曰此皆賊規  
我悉推出斬之申嚴紀律軍中無敢違令者初蠻寇不  
靖數出焚劫郡縣殺守吏邊民苦之觀勦捕人人用命  
獲寇必治以峻刑間有一二遺歸諸蠻聞皆膽落不敢  
復出為害由是境內得安後召還京陞都督同知再副

楊文征五開 成祖立以舊臣拜征南將軍鎮江西數  
月復鎮廣西四年從征交趾有功九年鎮交趾十二年  
卒賜祭賻

友諒既平 上還建康謂中書省臣曰自古兵爭忠臣  
烈士以身殉國朕與陳友諒戰於鄱陽諸臣效忠死敵  
朕念之不忘爾中書其議所以崇報之禮自丁張韓三  
將軍外宋貴京兆侯陳兆先穎上侯李信隴西侯王勝  
太原侯李志高隴西侯昌文貴汝南侯余杲下邳侯徐  
公輔東海侯劉義彭城侯陳弼穎川侯王咬住太原伯  
姜潤定遠子王鳳顯羅山子邱明梁縣子常惟德懷遠

子王德合肥子朱鼎合肥子王清肝胎子王善先定遠  
子汪澤廬江子丁宇含山子逸德山汝陽子羅世榮隨  
縣子陳冲巢縣子裴軫定遠子常德勝壽春男鄭勇興  
隨縣男袁華虹縣男史德勝定遠男王理五河男王仁  
舒城男曹信含山男立廟康郎山今有司以時致祭

韓成之死國史所紀在 上舟膠澳之先一日第云徐  
達等敗其前軍俞通海復來風縱火焚寇舟二十餘艘  
從溺者其衆我指揮韓成等亦戰死並無在 御舟皇  
急中服獲袍投水事康郎之說丁普郎居首次張志雄  
大韓成上二十五人並無程國勝蓋國勝實死於洪都  
被圍之例列洪都洞中未嘗從戰鄱陽也今本皆云祀  
我居首增人程國勝爲三十六人去之二百五十年秩  
祀之曲漸湮不可考通誌中稱三十五人是矣而孫原  
直爲記又曰韓成等三十六人蓋不知何所自始而今  
皆仍之大約起於朱學士墓誌以程國勝與韓成爲同

此等七人，皆學士之文，要難徵信，而同  
時同朝之人，耳目必貞，又未可輕議也。

安國曹忠壯公

附周頤張璪

公名良臣安豐人幼有大志及長英毅勇敢人多憚之  
元季羣雄競起良臣聚鄉里子弟訓練爲兵立堡以禦  
外侮約束嚴明無敢違令者壬寅 上駐金陵來歸

上謂持兵可觀望而能效順嘉之命爲行省叅政從征  
廬州忽南昌告急 上親往救從戰鄱陽湖成功進下  
襄陽從徐相國下淮東平浙西克姑蘇陞行省左丞從  
定山東河南大會臨清進平元都陞行省平章奉命守  
通州元丞相也速來侵時大軍悉往山西守備單弱兵  
不滿千也速萬騎營白河衆洶懼不敢戰奮起接劔曰



彼亡國之餘衆雖多心實懼怯不足畏以計撓之可不戰而走也密遣人沿河舟中各樹赤幟至三十餘里鉦鼓大震虜駭引去追至薊州斬獲而還是年從征陝西復守通州再從大將軍敗王保保封宣寧侯祿九百石四年征蜀克歸州至瞿塘與廖永忠分水陸進會於重慶降其王明昇五年從李將軍征沙漠嶺東道兵出和

林深入至阿魯渾河及其裨將周顯

顯合肥人精悍有膽氣號勇過人辛

未

上取滁和二州渡采石入太平顯充帶刀先鋒侍

左右從克深水深陽丙申破陳瑩先兵丁酉攻常州拔

江陰克前部先鋒皆與有功茂忠從

上取婺州已亥

以諸暨克衢州陞帳前都先鋒與子陳友諒率衆陷太

平通建康顯從諸將復太平戰于采石友諒退走癸卯

從討友諒大戰鄱陽湖累立功乙巳授驍騎衛千戶吳

元年克姑蘇以功改宿衛千戶尋陞指揮同知從平中原  
洪武三年收應昌紅羅山等處陞指揮使至是戰歿  
子嚴常榮張耀耀壽州人從義兵元帥陳瑄先領兵屯  
嚴職建康之嚴巷丙申王師克嚴巷始歸將  
辛丑命與諸將子同入侍衛壬寅授百戶守鎮江吳元  
年陞管軍副千戶洪武三年守崇福建興化尋陞指揮  
同知四年進指揮使自王師取武昌克安陸襄陽討張  
士誠及平中原取元都克太原變陽擒上猶諸蠻羅累  
立戰功至是與榮等俱戰死事聞上命戶部各以米  
四十石布二十疋給其家遺官迎柩于清河口復命禮  
部各遣官祭之皆戰沒贈安國公諡忠壯子泰襲爵

燕山孫忠愍侯

附系虎

公名興祖字世安濠州人剛毅有膽畧初從上陽和  
在行伍中無有知者比渡江屢有功敗陳友諒于龍江  
陞統軍元帥繼擢瑞昌八陳營進伐南昌遷指揮使鎮  
海陵敵不敢犯境陞大都督府副使移鎮彭城及大將  
軍取元都以重地建燕山六衛命額戍守紀律嚴肅軍  
民得安謀報王保保將來犯爲必取計慨然奮曰憑堅  
城部勁卒以逸待勞攻則曠日持久彼力自屈乘其疲  
而擊之蔑勿破矣保保意還救太原不果至今人咸壯  
之洪武三年北伐與指揮平定龐裡等次三不刺川遇

胡兵殊死戰出入震盪斬獲近萬人援兵不繼皆歿于  
五郎口年三十五 上聞甚悼致祭配享于通州開平  
王祠贈燕山侯諡忠愍同時別道死者孫虎

虎不知何許人始來附時遣從諸軍援池陽下於潛昌  
化安輯嚴州諸暨以功授千戶及克新城取桐廬皆與  
有勞陞海寧衛指揮副使嘉興盜起虎領兵捕之誘福  
建及還從左副將軍征沙漠至落馬河與元太尉買驢  
力戰死之 詔贈鎮國將軍僉大都督府事追封康安

郡伯

樂浪漢忠襄公

附指揮同知于光劉廣

公名英，廬州人。少勇敢，開國累功，爲西安指揮使。陞都督僉事。十三年，襲虜西涼，破之，開路通商，仍獲元平章。關玉以下數千人。七月，至苦峪，復獲阿者失里王之母。夏，斬部下阿哈撒答等八十餘人。還兵肅州。洪武二十年，馮將軍征納哈出，率所部從行。既至金山，受降餘衆。驚潰窟隘山谷間。大將軍悉驅其降衆南行，又多奪良馬，憾甚。設伏於途，邀襲大軍。英爲殿，虜伏發，衆寡不敵。英復馬踣，被執，絕食不言。乘間自剖腹死。贈金山侯。諡忠襄。明年，贈樂浪公，是行也大將軍功甚重，以英歿虜

失三千騎故賞不行且加切責子與生數月上念英  
忠卽襍祿封西涼侯食祿二千五百石與年幼朝暉  
傷命鑄玉字牌懸與冠俾人遜避嘗從大將軍征討有  
功又出練兵臨清二十六年坐黨成五開生子真女適  
寧河王子鏞永樂元年鏞爲與子陳情赦真賜鏞爲子  
得官指揮

朱史氏曰諸將死事者又有漢真一傳中云洪武初征  
高麗被執自殺攷太祖卽位之初雖取元都破太原  
而元主猶在應昌關陝未平王保保張思道李思齊等  
阻疆思逞未暇東征故遼東一隅四年方來歸附高麗

以元年十二月遣僕斯頒詔告以卽位諭使周知并及安南占城日本等國高麗隨入貢請封明年八月卽遣斯行冊禮爵仍前王儀從本俗安南亦如之故祖訓中謂二國首先歸附永不征討高麗尤近命使數數往來後以其國中弒逆却其貢拘其使臣勅遼東嚴備彼亦皇恐待罪未嘗敢抗是終 太祖世不聞加一矢用一兵漢真師之深入取敗果何所據夫國初最重武臣瞻都督僉事以上其卒也未有不錄况死於異國又烈烈如真竟不一見何哉斷是漢英一人而誤書之其割腹同盜同貽同子之名同表門之語又同此可槩見決當

歸一無煩爲真作贅詞矣

于公

于公名光字大用都昌縣人磊落有大志徐壽輝初起使其將張福夏彰據湖口元將三旦入據鄱陽都昌當其衝互相殺掠乃集鄉兵捍禦下令甚嚴衆皆用命屢與敵戰摧却之不敢近有潛通攜害者皆先機梟其首人驚以爲神乙未徐兵破鄱陽光之勢遂孤都昌亦不守賊搜得光以爲元帥鎮鄱陽及浮梁陳友諒殺壽輝自立光曰皆徐之臣吾可爲之下乎遂以浮梁來降上命鄧愈鎮之與光連營城守友諒兵至輒敗去授江



西叅政與愈同視印悉聽大都督朱文正節制光輕騎  
謁上龍江召宰臣燕饗之禮意優渥賜金雕頂帽暨  
錦袍一襲授行樞密院判官戍徽州行十里復趨還解  
金連環并繚授之且曰予賜卿冠衣不可少此故又召  
來與卿光感知遇之深誓殫力報効上疏曰于光之心  
鞠躬盡力報惟一忠死而後已上命左右藏之曰此  
于光誓書也光察偽漢圍政不一兵出於外潛獻搗虛  
之策自是拔江州戰鄱湖克武昌皆在行有功轉指揮  
同知從平張士誠北征下山東入汴梁克潼關副郭將  
軍守之元左丞來攻方戰舞戟橫貫其中大破之遂拔

潞州受命成鞏昌王保保屢引兵來戰輒搏走之洪武  
二年十二月保保知大軍南還以重兵圍安定州光往  
救兵少不能戰退屯三十里敵卒至腹背受攻被執而  
蘄州亦受圍守將張溫堅壁不戰擁至城下使諭降光  
大呼曰我不幸被執公等堅守徐總兵將五十萬衆行  
至矣敵怒批其頰遂被害城中聞言守益固保保進攻  
不利且懼大將軍至乃引去死時年四十三賜祭祀雞  
鳴山公氣貌修整幼讀書知大義善鼓琴能詩吟古今  
體雅律可觀兼通醫學望之翩翩佳士及持戟上馬意  
氣雄壯所向無前卒踐初誓之言人以爲難

劉公

劉公名廣羅田人國初從征克永平以廣爲指揮會事  
鎮其地廣有膽畧善弓馬遇敵嘗提雙刀出入陣中人  
莫禦者軍中號雙刀劉後以功陞指揮同知嘗病且殆  
語人曰戰陣死王事吾志也居牖下死兒女手不亦鄙  
乎病亦尋愈洪武十三年十一月故元平章完者不花  
與乃兒不花率胡騎數千入桃林口寇永平掠民資畜  
廣禦之時步兵多騎兵少廣令步卒繼後獨率四十餘  
騎先至城北三十里蔡家莊遇胡騎千餘卽迎擊之兵  
少不敵後軍又不繼胡兵射廣中馬馬驚仆地遂被殺

左右多戰死千戶王輅被傷裹創臨陣會後軍至陰令部下先分兵伏遷民鎮界陵等處邀其歸路又分兵出燕河夾擊之胡兵敗走輅乘勝追至伏發擒完者不花以歸乃兒不花遁去上聞廣死惜之遣使勅永平府傳送其喪至京以鈔百錠賜其家長子榮先爲城門都尉至是築廣職未幾亦病死上念廣之功復命其次子貴襲職使鎮岷州